

崇禎五十宰相傳

欽定四庫全書存目提要 史部傳記類

崇禎五十年相傳二卷

浙江巡撫
採進本

國朝曹溶撰溶字潔躬號秋嶽秀水人前明崇禎丁丑進士官監察御史入

國朝官至戶部侍郎出為廣東布政使左遷山西陽和道此傳皆崇禎時入閣諸臣事蹟凡六篇前有一年表一篇明代自胡惟庸以後不立丞相然自後入閣辦事者亦相沿以相國呼之此書題曰宰相從俗稱也崇禎十六年間輔臣至五十人而所錄事實皆取賢否懸殊關係治亂其行事皆見於明史說者謂其輕進易退不收實用流篇末總論獨謂其私心朋比明戶相承邪正雖殊植黨則一斯誠探本之說傳雖分列五十人而大者其成其

命以下四人但叙官闕黃立極以下四人亦極簡畧盡以為
無闕勵戒不足書也溶門人陶越乃取陳盟所作崇禎內
閣行田各補之非沈意矣此書橋李詩系作崇禎五十
輔臣傳五卷之其實為傳六卷篇加以年表一篇非五卷也
所載行事與明史詳畧相參亦可互資考證焉

同治壬申五月八日學使紹周科試杭州府屬童生出題之目
適閱是書檢錄提要心有所繫落筆輒有得誤
因冒昧古藏家史目俟宏光案錄首列宏光六月表並
可嘆矣因因數人識

崇禎五十宰相傳

倦圃老人重訂

宰相年表序

人臣至宰相。極矣。君道之盛衰。由於相業之隆替。史記以
來。班、可考也。雖其間世代不同。氣數亦異。要不得曰下
不能獲乎上。人不能勝乎天。為相臣者。亦將如之何哉。若
乃君擇臣。亦擇君。此區、庶幾之末。非所語于相臣也。
以十七年之帝祚。而相者至五十人。此五十人者。不可謂
非天地之貽。以禎祿祖宗之滋。以培養也。歷三百載以來。

拔之乎千萬人之上。而富貴利達功烈。遐邇無不慕。而
之勤求。即無以厭海內之想望。遂使感時傷事者。痛心疾
首。無所用其責備。不得已。皆嗟歎。息徒歸咎於人主。以為
求治太急。輕于用人。始則失之不明。繼且失之不慎。破格
而終于痛推誠。而伏以奸用。舍進退之間。幾一乎。惟日之
不足。迨煬竈燎原之後。國破家亡。同歸于盡。君不任受過。
臣亦不任受罪。是非不章。本末罔究。悠一千古。誰寔辨之。
嗟乎。朕非亡國之君。諸臣皆亡國之臣。帝不專為相臣言
也。而以言相臣。豈有辭焉。爰自即位之初。迄於殉難之日。

凡條預問。歷駁。閣者。一。考載之。今後之人。君。有。以。觀。覽。
云爾。

宰相年表

天啟七年丁卯是為即位之歲以明年改元

十一月左柱國少傅吏部尚書中極殿大學士黃立極
馳驛回里。十二月以太子太保禮部尚書朱宗道吏
部左侍郎楊景辰入閣辦事。起陞禮部侍郎李標周
道登吏部侍郎錢龍錫諭德劉鳴訓俱為禮部尚書。兼
東閣大學士

崇禎元年戊辰

三月加少師兼太子太師吏部尚書中極殿大學士施

鳳來為太傅張瑞圖為太保俱馳驛回里起復左柱
國少師兼太子太師吏部尚書中樞殿大學士韓爌
五月少師兼太子太師吏部尚書中樞殿大學士李國
璿馳驛回里六月來宗道楊景良馳驛回里加李
標周道登錢龍錫劉鴻訓太子太保進文淵閣十二月
劉鴻訓革職韓爌入朝

二年己巳

正月周道登致仕黃立極被察施鳳來楊景良閑
住張瑞圖來宗道議處十月陞吏部侍郎成基命

為禮部尚書兼東閣大學士 錢龍錫回里 十一月
起復少師兼太子太師兵部尚書文華殿大學士孫承
宗督師出鎮通州 十二月以禮部尚書何如寵錢象
坤侍郎周延儒入閣辦事。

三年庚午

加成基命太子太保進文淵閣 韓爌李標回里 錢
龍錫削籍 加孫承宗太傅回里 加何如寵錢象坤
周延儒太子太保進文淵閣 六月以詹事府禮部尚
書溫體仁吳宗達入閣辦事 七月加溫體仁吳宗達

太子太保進文淵閣 九月成基命回里 十一月加
何如寵周延儒少保進武英殿

四年辛未

何如寵錢象坤回里 李國播卒

五年壬申

加協理尚書鄭以偉太子少保入閣辦事 禮部尚書
徐光啟進東閣大學士 加周延儒少保吏部尚書進
建極殿 溫體仁吳宗達少保改戶部尚書進武英殿
周道登卒

六年癸酉

周延儒馳驛回里。鄭以偉卒。加溫體仁少保。吏部尚書進建極殿。吳宗達吏部尚書進建極殿。徐光啟太子太保進文淵閣。召何如寵不至。陞禮部侍郎王應熊何吾驄為尚書。兼東閣大學士。召南京禮部侍郎錢士升入閣辦事。

七年甲戌

加溫體仁吳宗達少師。進中極殿。王應熊何吾驄錢士升太子太保進文淵閣。

八年乙亥

王應熊馳驛回里

七月陞少詹事文震孟改刑部左

侍郎張至發為禮部左侍郎入閣辦事

十一月何吾

鵬文震孟回里

吳宗達回里

九年丙子

錢士升馳驛回里

欽取禮部尚書孔貞運黃士俊賀

逢聖禮部左侍郎林鉉入閣辦事

陞張至發禮部尚

書五月林鉉卒

十一月加孔貞運黃士俊賀逢聖

太子太保進文淵閣

吳宗達文震孟卒

十年丁丑。

六月溫體仁馳驛回里。

黃士俊回里。

八月陞吏部

侍郎劉宇亮詹事傅冠為禮部尚書右僉都御史薛國
觀為禮部侍郎同入東閣辦事

十一年戊寅

張至發賀進聖回里。

孔貞運回里。

陞薛國觀為禮

部尚書。改戶部尚書程國祥兵部尚書楊嗣昌升協

理侍郎方逢年工部侍郎蔡國用俱為禮部尚書。兼東

閣大學士。陞大理寺少卿范復粹為禮部侍郎入閣

辦事。劉宇亮傳冠進文淵閣。溫體仁卒。改劉宇亮為兵部尚書。賜尚方劍。督察各鎮兵馬。傳冠方連年回里。

十二年己卯

程國祥回里。加薛國觀蔡國用范復粹太子太保戶部尚書。進文淵閣。劉宇亮回里。八月。楊嗣昌。賜尚方劍。督師。欽進禮部右侍郎。姚明恭。協理侍郎。張四知。戎政侍郎。魏炤。乘俱為禮部尚書。兼東閣大學士。程國祥卒。加薛國觀蔡國用范復粹少保吏部尚書。

進武英殿。加姚明恭太子太保。戶部尚書。進文淵閣。
張四知太子太保。戶部尚書。魏煥兼太子太保。

十三年庚辰

蔡國用卒。姚明恭回里。欽進太子少保。吏部尚書。
謝陞禮部左侍郎。陳演兼東閣大學士。加楊嗣昌太
子太保。加謝陞少傅。進建極殿。薛國觀閑住。

十四年辛巳

范復粹回里。楊嗣昌卒於任。四月召周延儒。張至
發賀達聖。八月薛國觀賜死。何如寵卒。十月周

延儒賀逢聖入朝。張至發不至。加周延儒少師。兼太子太師。進中樞殿。張四知少傅。吏部尚書。進武英殿。魏炤乘太子少傅。戶部尚書。陳演禮部尚書。俱進文淵閣。

十五年壬午

正月召周延儒賀逢聖謝陞入殿。上降拜。四月謝陞削籍。命周延儒視師。累加太師。賀逢聖張四知魏炤乘馳驛回里。陞陳演戶部尚書。進武英殿。六月以禮部侍郎蔣德璟詹事黃景昉。戎政尚書吳牲為禮部尚書。兼東閣大學士。十一月召王應熊入朝。賜金幣還。

十六年癸未

加陳演蔣德璟黃景昉太子少保。五月以侍讀魏藻

德入閣辦事。周延儒回里。六月陞魏藻德禮部侍

郎。八月徵周延儒聽勘。九月欽進少詹事李建泰

為禮部尚書左副都御史。方岳貢為禮部右侍郎入閣

辦事。十二月周延儒賜死。吳姓遣戍。

十七年甲申

正月以禮部尚書丘瑜工部尚書范景文入閣辦事。

改李建泰為兵部尚書。加太子少保督師。二月蔣德

璟致仕。進魏藻德禮部尚書文淵閣總督河道水練。

方岳貢戶部尚書。兼兵部尚書。文淵閣。總督漕運屯練。

三月許陳演乞休。李建泰被執。京師陷。范景文

死之。陳演。魏藻德。方岳貢。丘瑜。皆以擄掠死。

論曰。甚哉遇合之難也。古有其人而無其時者矣。若之何有其時而非其人乎。倘所謂遇合。抑亦僥倖焉。非若薦天受錄。夢卜載車而求也者。顧以莫之致而委之也哉。余昔從諸君子時。先後出處。知之甚詳。竊嘆諸臣類皆一時大有為之才。視庸流萬輩。相去甚遠。而旋登政地。不免持。

祿○固○寵○無○能○為○主○上○畫○一○籌○以○至○人○事○盡○乖○天○意○莫○挽○或
及○身○而○墮○或○旋○踵○而○敗○功○名○喪○失○家○國○淪○亡○至○今○回○憶○往
事○宛○如○白○首○宮○人○細○數○開○元○天○寶○間○遺○事○不○僅○為○君○臣○傷
遇○合○也○豈○不○惜○哉○

宰相列傳序

余既序相臣年表。年表之義。紀時不紀事也。雖出處之次。第固詳而進退之始末。未顯恐無以繫生平。以示後世。于是考之國史。參之見聞。畧舉其大端。著為列傳。分為六則。而系之以臆斷焉。

宰相列傳一

韓文龍楊

孫承宗劉鴻訓

李標何如龍

周道登錢士升

韓燠。蒲州。籍。泰州人。壬辰進士。以庶吉士官禮部侍郎。庫

申陞尚書。入東閣。知經筵。累進左柱國。少師。兼太子太師。

孤介。梗直。清修。無欲。當仁先議。起禮部尚書。孫慎行。以色

藏禍心。忝舊輔。方從哲。燠以耳目聞見。深明其不然。既秉

正。以嫉邪。又不為黨。同伐異。時論遽之。甲子六月。副都御

史楊建。忝魏忠賢二十四大罪。朝臣羣起攻。韓忠賢懼。慙

燠曰。非公不能輯衆。幸留意。燠曰。我不能也。孽自爾作。爾

自解之忠賢怒既得志謀逐燿假以票擬不當降諭切責
燿疏引咎求斥畧曰臣以謏劣僚員中書詰戎宜先營衛
而觀兵肘腋無能行宵旰之憂忠直尚摺召還而撓掠朝
堂無能回雷霆之怒以至後先多官之斥諭旨中出之變
在聖世抵清紀綱乃中外懼興黨禍而臣既不能先時深
念有調劑之方又不能臨事挺持為封還之懇此皆罪狀
之大且重者請亟褫臣官仍治臣罪為輔弼弱職之戒疏
入忠賢益惡之遂傳上旨曰卿親承顧命當矢公盡職乃
歸罪于上更有後言今復悻求去著馳驛回籍時瑞逆

顏著煥獨持開。可謂先幾之哲。李魯生復叅論之。謂三年
莫展一等生刑奪。且捕及家奴。追贓究擬。幾罹大禍。崇禎
改元。欽召復相。正人多所倚重。表崇煥東江一案。錢龍錫
罷煥以閣務既同。分宜引罪。連章乞休。大用未竟。天下惜
之。

孫承宗。高陽人。甲辰榜眼。官少宗伯。以談兵拜輔府。兼閣
學。累加少師。乙丑。楊維垣疏糾抑河之後。蘇兆先繼劾之。
皆瑞意也。遂回籍。己巳起家督師。鎮通州。庚午。加太傅。
李標。高邑人。錢龍錫。華亭人。俱丁未進士。周道登。吳江人。

戊戌進士劉鵬訓長山人。癸丑進士。皆以館選。游歷翰林。天啟中。同遭瑞銅。丁卯即位之初。以人望起田間。同陞禮部尚書。兼東閣大學士。屢奉台對。向用頗殷。戊辰冬。御史吳玉奏初。樞臣王在晉。因及張慶臻改勅事。以主使中鴈。訓上諭標等曰。卿如何不奏。祖宗有法。朕不敢私也。標等再三申辯。以國體為重。且曰。臣等四人。事同一體。若鴈訓有罪。臣等亦皆有罪。於是鴈訓草職。而道登得請。既而欽定送案告成。黨人訐龍錫。至其事標贊成之。借言東江失事。龍錫遂授計袁崇煥。又嘗薦之甚力。故崇煥處以極刑。

而龍錫鵠。我。更遣成。標。亦。去。位。

何如龍。相城人。乙未舉進士。未廷試。戊戌。成。選。入。中。秘。旋。歸。
養。登。籍。後。強。半。林。下。戊辰。官。禮。部。尚。書。台。對。稱。旨。因。大。拜。
周。延。儒。當。國。權。勢。日。盛。如。龍。以。座。主。門。生。引。退。回。里。迨。延。
儒。放。歸。上。念。如。龍。清。慎。復。召。入。閣。辭。不。出。天。下。高。之。
錢。士。升。嘉。善。人。丙。辰。狀。元。以。南。京。禮。部。侍。郎。召。入。閣。蓋。異。
數。也。丙。子。四。月。武。生。李。璉。請。搜。括。巨。室。助。餉。士。升。擬。下。之。
法。司。上。不。聽。士。升。上。言。比。者。借。端。倖。進。實。繁。有。徒。而。璉。乃。
倡。為。借。紳。豪。右。輸。官。籍。浸。之。法。此。衰。世。亂。政。而。敢。陳。于。聖。

人之前。小人無忌憚。至此。且所惠於富者。兼併小民耳。郡
邑之有富家。亦貧民衣食之源也。以兵荒之故。歸罪富家。
而籍沒之。此秦始皇所不行於巴。清漢武帝所不行于卜
式者也。此議一倡。而亡命無賴之徒。相率而與富家為難。
大亂自此始矣。時溫體仁以上欲通言路。竟改擬。仍切責
士升。以密劄大臣。即欲要舉。已足致之。毋庸汲。又經歷
吳化鯤。許奏士升第士晉。體仁亦擬嚴旨。士升遂乞罷。許
之士升。性。和。易。與。物。不。忤。而。嚴。正。之。氣。自。在。故。璫。釀。灼。天
之。日。家。食。數。年。及。登。政。府。又。恬。淡。不。久。于。位。

文震孟長州人。壬戌狀元。清標絕世。有先祖徵仲之風焉。為孝廉三十年。名聞海內。固已物望咸歸矣。及第後。首疏斥璫。幾中老法。輔臣韓爌力救之。僅落職。尋以璫修前隙。廢黜偏裨。隱居吳下。成良環名。累官少詹。乙亥七月。以進講春秋稱旨。特簡入閣。一時士大夫相慶得人。然非溫體仁意也。會給事許譽卿補南太常。吏部尚書謝陞難之。遂疏糾譽卿。震孟擬旨止奪。譽卿俸。體仁不肯。震孟作色擲筆曰。即削籍無害。體仁夕揭上。而震孟朝罷。何吾驕嘆息于閣中。亦同去國。論者謂朝陽之端。一鳴驚人。鵠集為之。

扼其吭。可慨也夫。

張至發。淄川人。辛丑進士。由知縣官刑部侍郎。己亥。誠獄得上意。改禮部辦事東閣。戊寅。回里。辛巳。同周延儒賀逢聖。復召。辭不出。至發性平恕。中立不倚。終其身不樹黨。人亦相與安之。東山不起。時為之。亦志為之也。

賀逢聖。江夏人。丙辰榜眼。為人清介。不競進。以資叙官禮部尚書。丙子。欽取入閣。戊寅。回里。辛巳。復召入朝。同周延儒謝陞。蒙上降拜。逢聖感南北之倥傯。無以報稱君父。又與延儒不合。以病告歸。未久。賊陷武昌。逢聖死之。

范景文。吳橋人。癸丑進士。清貞端亮。內行醇脩。自其束髮時。便以天下為己任。莖仕東昌司李。平刑敬獄。多所平反。山東嘗大饑。景文條行荒政。全活億萬人。徵入為吏部。樊怙抑競。海內翕然稱之。乙丑典選。疏請清仕路。養士氣。以勵廉耻。杜請託。奸人耽。側目之。時相魏廣微。以鄉曲多方招致。將芟除異己者。景文侃。爭執。義不為徇。李魯生薦同邑兒女親王。建泰。同年張九賢。魏忠賢許以部屬起用。景文謂二臣一以不謹。一以貪察。處力持職掌。不肯下停之。汪慶百例擢副使。瑞下部以吏糾起。又有添註少卿。

之旨。景文曰：職掌無此。推竟以副使登啟事。二魏志甚盛氣待之。會景文病歸，却執永錮不出。而其父官南僊部郎，強項不拜逆祠。禍且不則，未幾崇禎御極，起家太常，開府中州，以勤王功陞兵部侍郎，鎮昌平。再晉南京右都御史，兵部尚書。獻賊蹂躪江北，賴景文調護。陵京無恙。己卯，疏救御史成勇，生私黨，削職。壬午，召為刑部尚書。癸未，改工部。甲申正月，進東閣辦事。關賊逼京師，景文請駕南還。先奉太子撫，揮江南廷議未果。都城陷，景文死之。

宰相列傳二

謝徐光啟

何吾驄

刺宇亮

方連年

李廷泰

徐光啟上海人甲戌進士生而穎秀有敏悟嘗精天文曆

數之學因星變陳言裨益政治上心識之官翰林壬申入

閣有崇禎曆書行世未久卒於位

何吾驄香山人已未進士由庶常官禮部侍郎癸酉陞尚

書入東閣與溫體仁不甚合乙亥致仕

刺宇亮綿竹人已未進士丁丑以吏部侍郎進東閣戊寅

請櫻改兵部尚書賜尚方劍督師時大帥左良玉敗河南

賦于內鄉上聞其步兵盜掠切責之宇亮不自安因告病
回籍

方遘年遂安人壬戌進士歷官少詹成寅陞禮部尚書入
東閣嘗以編脩典試湖廣策問數千言皆切時政魏忠賢
深怒之遂削奪蓋嚴氣正性如此入閣後不合時宜數月
即罷相

謝陞德州人丁未進士由知縣行取吏部官郎中不附時
局累至尚書有清譽獨與何吾驊文震孟相忤時論為之
不平丙子冬上命指奏數年銓政大弊覆奏不稱旨因詰

責之曰。爾部職專用人。推舉不效。乃云。綱目太密。使中外束手。且平時陞轉。必優京卿甲科。反稱京卿未必勝外官。甲榜未必勝乙榜。如此游移。豈大臣寔心體國之道。於是陞罷職。己卯春。上以保舉考選奉行不寔。復召陞。一切條用新法。卓異則蘇州知府陳洪謐。以逋賦削籍。松江知府方岳貢。以逋賦奪官。考選則請命貢士。併歲貢二百六十二人。俱補部寺司屬。以及推知。上是之。遂進東閣辦事。壬午元旦。召入殿廷。親承降拜。四月。給事倪仁禎上言。臣初拜官。例謁閣臣。言及兵餉。陞曰。皇上自用聰明察。為

務天下俱壞。位極人臣。敢歸罪天子如此。上怒。命削陞籍。
魏昭乘滑縣人。丙辰進士。由知縣歷官兵部侍郎。己卯。入
東閣。天啟中。疏薦周士樸。以糾織監。宜用士樸一事。楊建
所引為魏忠賢罪者也。璫意大拂。以為市恩。勒令回籍。遇
諸士良于德安。士良感額曰。予已為管察而來。如婦失身。
不可贖矣。昭乘曰。何不早退。士良有慚色。昭乘果矯。以
潔白稱。

吳姓。興化人。癸丑進士。由知縣行取御史。辛未。奉命覈金。
賑陝西饑荒。招撫流盜七千餘人。授官兵部侍郎。壬午。授

上震怒。處分李日宣等。乃以姓為禮部尚書。兼東閣大學士。既而聞賊猖獗。上命姓督師辦賊。久之以還。留遣成。魏藻德。通州人。庚辰狀元。召見于文華殿。問遣隅多警。何以報仇。雪恥。對曰。使大小諸臣皆知所恥。則功業自建。先後娼。數百言。更自陳戊寅城守功。上心識之。工部主事李振聲。請限品官占田。如一品田十頃。屋十間。其下遞減。下部議。藻德爭之。遂寢。辛巳十月。請設裕國足民奇謀異勇科。上然之。隨諭朝臣。咨訪徵辟。以稱破格旁求之意。十一月。請禁朝臣私探內閣通內侍。於是侍漏者俱露立。毋

敢入直舍。癸未五月。以侍讀學士入閣辦事。請命勛臣子弟親騎射。六月。召見諸生蔣匡于中左門。陳言鈔法曰。經費之條。銀錢鈔三分用之。納銀賣鈔者。以九錢七分為一金。民間不用。以違法論。不出五年。天下之金錢盡歸內帑矣。給事馬嘉植糾正之。藻德力寢其議。甲申二月。進禮部尚書。總督河道。也陳性濟寧。會有言各官不可令出。即潛逃。遂止不遣。京師陷後。賊迫脅獻金。自勒而死。藻德以書生新進。受知甚殷。國朝文臣早達。無出其右者。

李建泰。曲沃人。乙丑進士。歷官少詹。癸未入東閣。甲申正

月。李自成僭號改元。授偽牒于兵部約戰。上憂之。臨朝而嘆曰。諸臣無能為朕分憂哉。建泰進曰。主憂如此。臣敢不竭力。願以家財佐軍。北召甘肅寧夏之兵。外連羌部。召募忠勇。勦寇立功名。否。亦內守西河。扼控延安。使賊不得東渡。上悅曰。卿若行。朕當倣古推轂行之。閱數日。建泰出師。上以特牲告廟。廷授卽劍法。駕御正陽門。設宴作樂。親賜卮酒曰。先生之去。如朕親行。建泰頓首啟行。上目送之。是日大風揚沙。占不利。行師建泰肩輿。不數武。扞折。識者危之。既出都道。聞山西烽火甚急。家已破。貲財無以佐軍。進

退失措。逗留畿內。二月。師過東光。不輯士民。閉城自守。建泰怒。攻三日。破之。三月。建泰上書請駕南還。願奉太子先行。上召廷臣議。撫軍江南。給事光時亨大謦止之。廷臣遂不敢復言。賊至保定。建泰已病卧中軍。郭中傑偃城而降。賊入城。守御史金毓峒全家死難。而建泰被執。方岳貢。谷城人。壬戌進士。由戶部主事為松江知府。有政績。在郡十五年。以逋賦奪官。壬午起陞漕運副使。癸未入覲。上諭各官薦將材稱旨。擢副都御史。因上言四事。情言路以收人心。定推遷以養廉恥。責吏治于荒殘。儲將材於

部伍上納之。尋拜東閣大學士。甲申二月。進戶部尚書兼
兵部總督。德運屯練濟寧。未果。京師陷。被刑不食死。

宰相列傳三

成基命黃士俊

錢象坤林象坤

鄭以傳林象坤

孔貞運程國祥

范復粹

姚明恭

張四知

程國祥

蔣德璟

黃景昉

丘瑜

四上人合

成基命大名人

丁未進士

錢象坤

會稽

籍山陰人

辛丑進

士。並已已入閣

鄭以傳

上饒人

辛丑進士

壬申入閣

以上

皆由庶吉士

孔貞運

句容人

已未榜眼

黃士俊

順德人

丁

未狀元

林紆

同安籍

龍溪人

丙辰探花

並丙子入閣

傅冠

進賢人

壬戌榜眼

丁丑入閣

程國祥

上元籍

歙縣人

甲辰

進士

由知縣

歷官戶部

尚書

范復粹

黃縣人

已未進士

由

知縣

歷官

戶部尚書

范復粹

黃縣人

已未進士

雅官

歷任大理

寺少卿

並戊寅入閣

姚明恭

新州人

已未

進士張四知費縣人壬戌進士並己卯入閣蔣德璟壬戌
進士黃景昉乙丑進士並晉江人壬午入閣丘瑜宜城人
乙丑進士甲申入閣已上皆由庶吉士其生平仕宦烜赫
一時無閹大節者不悉書

宰相列傳四

黃立極

施鳳來

張瑞圖

黃立極元城人甲辰進士天啟中以禮部侍郎入東閣與

施鳳來張瑞圖等同附魏忠賢尸位養奸為正人君子所

恥丁卯錦州奏捷三殿告成各叙功立極實首倡之致忠

賢子弟倖安平東平之爵而封王及兩功並封之議獨未

已也朝臣增級賜金監觴無紀官保尚書都憲常僕幾於

半載斗量而錦衣無坐處矣且二功謝恩之日即鼎湖攀

謁之日也崇禎登極後立極知罪無所容因乞骸骨朝廷

以元輔隆重之予告加太保廕子一人尚寶司丞又明

年京察被處

施鳳來。平湖人。丁未榜眼。張瑞國。晉江人。丁未探花。李國
楷。高陽人。癸丑進士。同歷官禮部尚書。東閣大學士。大工
成。並加少保。兼太子太師。瑞敗後。鳳來。瑞國。俱被察典。刊
名逆案。而國楷倖免。

朱宗道。蕭山人。甲辰進士。楊景辰。晉江人。癸未進士。同官
翰林院學士。錦州捷報。疏稱魏忠賢功德。揄揚鋪張。懽呼
舞蹈。以為朝臣倡。崇禎初。循資入閣。旋以公論漸彰。各得
閒住。

宰相列傳五周延儒

溫體仁
楊嗣昌

周延儒。宜興人。癸丑狀元。歷任禮部侍郎。崇禎初。召對廷
上。目視之曰。常時召對。卿等當面別無一言。只有這官。
奏了幾句。令自奏職名。己巳冬。入閣辦事。癸酉正月。宣府
犬視太監王坤奏劾延儒乞罷。不允。左副都御史王志道
上言。王坤內監。不宜侵輔臣。上召羣臣於平臺。謂志道曰。
選用內臣。原非得已。何議論之多也。志道奏曰。坤劾輔臣。
本朝皇。為紀綱法度之憂。臣為紀綱惜。非為諸臣惜也。
一曰。廷臣於國家大計。不言。惟因內臣在鎮。不利。奸弊。乃

借坤䷁要挾誠巧倭也。復詰至再。延儒曰：志道非專論內臣實責臣等弱職。上色稍霽。曰：職掌不脩。詰名立論。何堪憲紀。立退。志道延儒遂放歸。辛巳四月。復召延儒入朝。初丹陽監生盛順及虞城侯氏共獻金馬太監。巢乘間因延儒再起。禮部主事吳昌時力謀之。果得再相。壬午元旦召延儒及賀逢聖謝陞入殿。曰：古帝王皆崇師道。卿等朕之師也。宗社奠安。惟諸先生是賴。命東向立。上降座西向揖之。延儒愧謝。四月命延儒督師。會天氣漸炎。兵不戰而退。延儒乃奏捷。班師加太師。時人譏之曰：出關一月無消息。

昨日元戎報捷來。既而臺省交章論延儒受賄縱敵。上領之。九月誅兵部尚書陳新甲。延儒為營解曰。國法大司馬兵不臨城。不斬。上失色曰。他邊疆即勿論。僇辱我親藩也。不甚於薄城乎。延儒為之行下。癸未五月。科道郝炯蔣拱宸何倫劾論吏部郎中吳昌時。禮部郎中周仲連竊附延儒行私納賄。延儒天下之罪人。昌時仲連又延儒之罪人也。延儒罷。七月召山東兵備雷演祚面質總督范志完。縱兵行賄。演祚因奏延儒招權納賄諸狀。上怒。即逮其幕客童廷獻。尋誅志完。徵延儒聽勘。延儒當中外交誼之日。不

能為上畫一籌。然受眷特深。故其罷內監。撤殿衛。甚易。諸
璫日夜伺隙。媒孽上。俱不信。延儒益怒之。迨行邊之後。上
意稍移。諸璫乃盡發其蒙蔽。至是聖怒不可回。延儒遂賜
死。方延儒之升台也。門生張溥馬世奇。以公論感動之。盡
反前轍。向之所排。更授而進之。上亦虛已以聽。溥既後。世
奇遠推勢。而延儒左右。皆昌時仲璉輩。以至於敗。
溫體仁為程人。戊戌進士。累官禮部尚書。與侍郎錢謙益
門戶不同。會戊辰。拔下。謙益名列第二。而體仁不與。因疏
前御史陳以瑞。嘗忝謙益。與汪文言。繆昌期。相表裏。其典

試浙江省錢千秋以一朝平步上青天關節得雋。今故卜
大典。豈容濫竿。上乃召對文華殿。廷臣皆不直體仁。體仁
指廷臣為黨。以激上怒。於是攻者四起。上俱不問。庚午入
東閣。斥。自守不殖貨賄。時上英明。恨廷臣苞苴。止狀。獨
信任體仁。久之希寵用事。專私黨排異。已日與士大夫為
難。攻者竟無虛日。至滋陽知縣成德。盡發其奸。逮錦衣衛
獄。其母張氏伺體仁與出。轍道詬之。至不堪。前工部侍郎
劉宗周上言。小人之禍人國。無已時也。皇上惡私交。而臣
下多以告訐進。皇上錄清節。而臣下多以曲謹容。皇上榮

勵精而臣下奔走承順以為恭。皇上尚綜覈而臣下瑣屑苛求以為察。窺其用心。無往不出於身家利祿。皇上不察而用之。則聚天下之小人立於朝。而有所不覺矣。嗚呼八年之間。誰秉國成。臣不能為首揆溫體仁解矣。千戶楊光先亦再疏忤論。昇棺自隨。既而撫寧侯朱國弼劾體仁私唐世濟受霍維華金。上奪國弼爵。而世濟戍邊。體仁不安其位。未幾引疾免。上賜金幣遣行人護歸。

薛國觀韓城人。己未進士。由推官行取給事。側身門戶。嘗奏喬允升。將士任熊明遇。正人多側目之。歷官金都御史。

丁丑以溫體仁授入東閣。上頗向用之。己卯考選科道。吳昌時首擬吏科疏。上自手定先後。示不測。昌時得礼部主事。謂國觀所為恨之。庚辰六月。擬諭失旨。勒令閑住。上嘗語國觀朝士婪賄。對曰。使廠衛得人。朝士何敢黷貨。時東廠太監王化民在側。汗出浹背。於是日偵其陰事。既而被叅劄籍。給事袁愷再疏劾之。併尚書傅永淳。侍郎蔡奕琛俱下鎖。撫司訊之下都御史葉有聲於獄。皆以通賄國觀也。株連甚衆。國觀疏辨。袁愷誣劾出。吳昌賢之意。上不聽。辛巳八月。國觀賜死。籍其家。國觀性褊刻。急於功名。自

金憲。驟登政府。欲自結於上。會上憂國。因導以借餉。曰。外則縉紳。臣等任之。內則戚畹。非出自獨斷。不可徵。以李武清為言。遂密旨借四十萬金。李氏盡鬻其所有。追比未已。戚畹人。自危。適皇子病。衆倡為九蓮菩薩之言云。上薄待外戚。行天折。且盡大悔懼。國觀又忤化民。遂敗國觀。事發於東廠。而昌時實啟其機。昌時甥王陞彥。以通賄籍沒。臨刑。呼此舅氏所致。我若有言。恐累名教。其後昌時生。敗。伏於此。

楊嗣昌。武陵人。庚戌進士。由教授歷官宣大總督。丙子奪。

情起復為兵部尚書。丁丑十一月。疏請限勦賊之期。令各撫鎮分任。新截要害地方。提兵合勦。俞當上音。戊寅四月。熒惑星見。嗣昌上言。月食火星。猶幸在尾。內則陰宮。外則陰國。皇上修德。召和。必有災而不害者。戶部主事李鳳鳴。和其說。給事何楷解學尹。互糾其謬。上不問。六月。召嗣昌入閣辦事。仍署兵部。上命大禮大慶暨傳制頒詔諸大典。不與其朝。講召見如常。何楷劾嗣昌忘親。上切責之。先是吏部會推閣員。止及詞臣資叙。上命併及在籍守制者。蓋嗣昌為陳新甲地也。已而特召新甲以兵部侍郎。總督宣大。

學士黃道周上言。朝廷即乏人。豈無一定策效謀者。而必
非常破格。以奉不祥之人。上不懌。召見群臣於平臺。道周
極詆嗣昌。嗣昌謂臣不生於空桑。豈遂不知父母。但明旨
迫切。不敢有違。乃道周自言不如鄭鄞。以杖。母行同
鼻。獍道周又不如之。何言綢常也。道周曰。臣言文章不如
鄭鄞。上呪其朋比。脩撰劉同升。編修趙士春。御史林蘭友。
各疏救道周。而劾嗣昌。俱謫。調有差。己卯六月。張獻忠降。
而復叛。羅汝才九營俱起。應之。左良玉追及。大敗而還。失
其行節事。聞良玉載罪殺賊。草督帥熊文燦職。初文燦與

嗣昌深相結納。嗣昌與文燦成功。以結上知。文燦既債。嗣昌內不自安。因請督師南征。是時方借鄭鄴以傾道周。讖駁愈重。遂磔鄴於市。而賜嗣昌尚方劍。併銀印金牌。蟒紵。緋絹無算。九月。嗣昌陛辭。上賜宴後殿。手觴三爵。賦詩榮行。出師之際。莫過於此。十月。嗣昌至襄陽。入文燦軍中。逮文燦入京師。論死。棄四市。以塞人口。謂良玉可倚。以滅賊。請拜為平賊將軍。復奏辟永州推官萬元吉為監紀。庚辰二月。給嗣昌萬金。賜斗牛服。又海驢、棗驢、馬各一。金鞍二。嗣昌調兵會勦。以陝西興安一路失期。斬其監軍殷太白。

三月嗣昌軍次荆門立大勦營五月羅汝才七股盡入蜀
嗣昌檄元吉扼夔門與石砭女帥秦良玉兵合嗣昌又以
左兵進止多不從節制乃密疏於朝請以副將軍賀人龍
易之人龍所挾陝兵驍勇善戰以多擁降兵思得總兵名
號以統轄之川撫邵捷春為懇嗣昌嗣昌已諾後因中制
不果人龍怨而良玉疑自是兵勢日離嗣昌憤事不可為
旋有病明年襄城破守將李萬慶死之嗣昌亦以病卒聞

宰相列傳六

吳宗達
蔡國用

王應熊
陳演

吳宗達武進籍。宜興人。甲辰探花。庚午入閣。與溫體仁同相。六年多所依順。庶吉士鄭鄞建斷母為宗達女弟。鄞負才名氣節。薄於事。勞宗達恨之。因揭其杖母蒸妾。鬻體仁入達。達鄙下獄。仕路皆為不平。故宗達畏人言以告。

王應熊。巴縣人。癸丑進士。由庶常官少宗伯。癸酉為周延儒溫體仁引薦入閣。人望未孚。明年御史吳履中劾監視內臣併奏應熊因求去。不允。又明年言路相狎。以為摸稜。後身應熊遂免。壬午周延儒與廷臣異議。復薦以自代。資為

援也。已而陛見。上覺之。應熊請老。賜金幣還。癸未召至上。不見。因辭還。

蔡國用。金谿人。庚戌進士。以中書舍人。考選御史。天啟中。嘗以條議。詆葉向高。孫承宗。趙南星等。又薦趙興邦。興邦亦疏稱之曰名臣。頗為仕途所非笑。後官工部侍郎。上方欲枚卜大典。僅屬詞林。因及國用等。以示破格。既入閣。漫無表見。惟庸。養福而已。未幾卒於位。

陳演。井研人。壬戌進士。累官詹事。庚辰進東閣。壬午六月。召羣臣於中左門。詰問吏部尚書李日宣曰。會推大典。自

當矢公矢慎。昨放卜監舉徇情。如房可仕。張三謨、宋玫等。並與推舉。豈大臣之道。又責吏部章正宸。河南道張煊。閣臣力為救解。不聽。明日下日宣等六人於獄。尋成造削籍。有差。初演為所親廖惟一試御史考核。託可仕為之地。不納。煊又加厲焉。遂外調。演憾之。適上遊西苑。演從密奏之。故有是譴。演庸碌無能。見上憂秦寇。謂不足慮。甲申二月。賊勢漸逼京師。演不自安。乃求去。三月京師陷。李自成榜朝臣獻金。演獻至銀三萬兩。金三千兩。珠三斗。仍受刑。不可忍。以斃。

論曰。黨人之禍。自古已然。漢固已。唐次之。而宋為甚。然其所為。雖諸臣賢奸較異。要亦人主之明暗有不同也。至明末則不然。臣非甚惡。君又至賢。無亡國之理。而失天下。乃更速。則黨禍之中於人心。其酷烈即不如前代。而久之成痼。一旦殞絕。不可復甦。其積漸使然也。蓋自四明當國。其時東林諸君子。以道學名於世。浙人起而爭之。而黨以立。齊楚四方之士。趨風捕影。轉相舍射。而黨以盛。其根原則國本也。其發端則挺擊也。紅丸也。移宮也。是為三大案。借三案者。為察典。為年例。為封疆。而總之以東林浙黨為公。

分之而不欲其合者。德清也。合之而不能不分者。福清也。皆政地也。政地不足恃。乃求與援。與援成。而政地若授之柄焉。然則煽禍者。瑞也。而使之煽禍者。則政地也。丁卯以前。流毒已甚。戊辰以後。公道大明。然而門戶相承。衣鉢相禪。邪正雖殊。其為植黨則一。是故蒲州韓爌。高陽孫承宗。德福清葉向高。去而崑山顧秉謙。南樂魏廣微。進矣。元城黃立極。平湖施鳳來。晉江張瑞圖。高陽李國楨。附顧魏者也。反正之初。未及去。援及蕭山朱宗道。晉江楊景辰矣。高邑李標。吳江周道登。華亭錢龍錫。長山劉鵬訓。起自田間。

讓蒲州當國以光贊中興逆案定而黨人側目借表崇煥
以饒舌而華亭得嚴譴蒲州不安其位矣高陽出鎮得匪
虛拘乎文華召對宜興周延儒實左袒烏程溫體仁其流
派不正廷臣不免周章未幾而相繼進用人皆疑之疑則
猜忌生而嫌隙見然宜興得桐城何如寵調劑人樂其易
烏程以武進吳宗達依傍人畏其兇樂其易者姑且安之
不過欲其去畏其兇者羣起而攻之惟恐其不去而竟不
去彼大名成基命山陰錢象坤上饒鄭以偉上海徐光啟
不徒伴食反為得利之漁人桐城之再召也宜興所以善

後而引高不出。固知黨惡之必復也。嘉善錢士升以破格召於南。與巴縣王應熊香山何吾驥異地而同拜。冷眼者從壁上觀。以為上意識不則。抑由東國者立中道焉。迨長洲文震孟以經筵受知。正人君子彈冠相慶。稱主上聖明。而一言不合于烏程。不難併香山並驅而駕。人言可畏。何王且危之。況嘉善乎。獨是同一去也。長洲為可惜。嘉善則有名矣。涇川張至發以誠獄稱旨。句容孔貞運順德黃士俊江夏賀連聖龍溪林銡以科名樹望。先後同升。而烏程旋罷。或謂上意漸移。已非一日。黨之不終禍也。天實為之。

何意韓城薛國觀。借援願結主知。當南北倥傯之際。輒開
羅織之機。奔走士大夫。使之救過不給。即同時輔弼。如進
賢傳冠上元。程國祥。遂安。方逢年。金谿。蔡國用。黃縣。范文
粹。無從見一長。忝一議。而天下大勢。壞如土崩。綿竹。劉宇
亮。以不得已請纓。我則不武。何濟于事。武陵。楊嗣昌。之奪
情。有自來也。白馬。清流。幾乎再見。上即不推轂。亦安能晏
然處之。以謝當世哉。蘄州。姚明。恭。費縣。張四知。井研。陳演。
以資叙。涪縣。魏炤。乘。以知兵進。德州。謝陞。以舊銓。再起。上
頗自謂得人。又稍。失意于韓城。若將置焉。而黨人以續。

貨中之上方切齒通賄遂不顧一韓城示警而武陵以任
事不終告是內外無人也思惟舊人可以明無罪於朝廷
惟張至發與賀逢聖而最受主知則莫如周召或弗至
或弗久肯為朕竭股肱力者不惜腹心寄之天子無常師
師保傳何庸不拜赫々明々惟大師之功厥惟欽哉汝毋
負予一人也而不然也下之結黨者日以多而上之伺黨
者日以密黨不足以自固也昔之黨異者攻異已今之黨
同者攻同類黨適足以殺身耳晉江蔣德璟黃景昉可以
並登通州魏藻德可以驟進興化吳姓可以分拮据之任

已縣王應熊。可以資胼胝之勤。而不能禁中人之媒孽。塞
言路之曉張。蓋至是而法網愈密。人心愈險。天下之事勢
已不可為主上之英明。亦無所用。譬如病入膏肓。形體雖
具。藥餌有餘。而元氣索然。僅延時刻。縱有盧扁。何以云救
哉。其後曲沃李建泰。谷城方岳貢。宣城丘瑜之拜。黨人已
不及衡。若吳橋范景文者。固黨人所願得。而甘心焉。而獨
以一死狗社。授其得力於東林道學之旨。豈其微哉。而謂
黨云乎哉。